

A AGASALA

❖ Alo mai faaososoga

- Ua ta'ua e lakopo o lē e tetee i faaososoga o le “manuia” (lakopo 1:12). Peita'i, ua ia faamanino, e lē mai le Atua se faaososoga (lakopo 1:13), ae e mafua mai i o tatou lava tuinanau leaga (lakopo 1:14).
- O loo ta'ua e Paulo se “faaososo” (1 Tesalonia 3:5), ua faailoa mai e Iesu, o Satani (Mataio 4:3, 10). O ia lea ua sili lona iloa o auala e faaoga ai o tatou vaivaiga e taitai i tatou i le agasala. Aua ne'i galo o loo tatou i ai i se finauga i le va o Keriso ma Satani, ma o le a faia e le faaososo mea uma e faaliliu ese ai i tatou mai ia Keriso.
- O Samasoni o se fa'ata'ita'iga manino o se tagata sa matuu atu i faaososoga e ala i le tu'uina atu o ia lava i ona lagona, e ui lava ina ia iloa o nei lagona e feteenai ma le finagalo o le Atua (Faama 14:1-3; 16:1, 4).
- Faapefea ona alo ese mai faaososoga? Sailia i le Atua (Mat 6:33); fa'aalu se taimi nao oe ma Ia (Mare 14:38); ave le talita o le fa'atuatua (Efe 6:16).

❖ Fautuaga e foia ai le agasala

- Tuuina mai e Iesu ni faatonuga manino e alo ai mai le agasala:
 - (1) Alo mai mea e ono taitai atu ai oe i le agasala (Mareko 9:43; Iopu 23:12). Faataitaiga, faatau o le ava.
 - (2) Aua le alu i nofoaga ete ono agasala ai (Mar 9:45; Iopu 23:11). Faataitaiga, alu i le kalapu.
 - (3) Aloese mai le matamata i mea e ono taitai atu ai oe i le agasala (Mareko 9:47; Iopu 31:1). Mo se faataitaiga, matamata i ata e iai vaaiga matagā.

E O LE TULAFONO

❖ O le Tulafono ma le Agasala

- O le sootaga o le Tulafono ma le agasala ua faauigaseseina e nisi o ē manatu o le tausia o le Tulafono e mafai ona latou togilaina ai a latou agasala (Kalatia 5:4). O lenei manatu ua taitai atu ai isi i le itu e matuā ese lava, o le manatu lea, ua soloia le Tulafono.
- O le fa'afitauli o le manatu lea o le Tulafono e faaolaina ai, pe o se auala lea po o se fa'alavelave foi i le ausiaina o le faaolataga. Ae o le galuega a le Tulafono e le'i aveava lava ma fa'aolataga. O le ā la le galuega a le tulafono?
- Ua faaalua mai e le Tulafono le agasala (1 loa 3:4). Ana leai le Tulafono semanu tatou te le iloa po o le a le agasala (Rom 7:7) ma tatou le sailia ai loa se fofo (Kalatia 3:24).
- E lē o se avega mamafa le Tulafono, ae o se pa puipui e taofia ai i tatou mai le mafatia i taunuuga mata'utia o le agasala (1 loane 5:3; Salamo 1:1-3).

I O LE TALALELEI

❖ O le Talalelei ma le Tulafono

- O le faaolataga (le faamagaloina o agasala ma le ola e faavavau) e maua i le galuega na faia e Iesu i luga o le satauro (Kala. 3:13). O lea galuega a Iesu e uunaia ai i tatou e alolofa ia te Ia (1 loa 4:9, 19). Ma tatou te faailoa tonu lenei alofa e ala i le tausia o ana poloaiga (loane 14:15).
- Se'i o tatou toe iloiloaina le sootaga i le va o le Tulafono ma le Talalelei (o lona uiga, o le faaolataga e ala i le toto o Iesu):
 - (1) Ua fa'amatala mai e le Tulafono le uiga o le agasala
 - (2) A tatou agasala ua faasalaina i tatou i le oti e faavavau
 - (3) E le lavatia e le Tulafono ona faamagalo agasala
 - (4) A tatou agasala ua faasalaina i tatou i le oti e faavavau
 - (5) A tatou talia le taulaga a Iesu, e faamagaloina a tatou agasala
 - (6) A uma ona faamagaloina, tatou te tausia le Tulafono ina ia lē toe agasala (1 loane 2:1)
- E le'i finagalo lava Iesu e faaleaogaina le Tulafono, ae ia faamaonia (Mataio 5:17). O le Tulafono ma le Talalelei o ni ata o uiga o le Atua: o le alofa.

❖ Fausia i luga o le Papa

- O le taliaina o le Talalelei e aofia ai le mulimuli i se faagasologa. O le laasaga muamua o le iloa lea. E tatau ona tatou iloa e iai se Tasi e mafai ona togilaina i tatou (Roma 10:14).
- Ae e lē na o le poto e faaolaina ai i tatou. Na faatusaina e Iesu i latou e maua le poto o le faaolataga ae lē faatinoaina mataupu faavae o le talalelei i se tagata e fausia lona fale i luga o le oneone “ona matuā pa'ū ai le o lona fale” (Mataio 7:26-27).
- E tatau ona o faatasi le malamalama ma ni galuega moni (Mataio 7:24-25). Ua ta'uamiotonuina i tatou e ese mai galuega a le Tulafono (Roma 3:28), ae e tatau ona vaaia nei galuega i o tatou olaga o se taunuuga o lo tatou faaolataga (Mataio 7:18-21).

- A tatou talia Iesu ma ola i se mafutaga vavalalata ma Ia, faatasi ai ma le tausia o Ana poloaiga, o loo tatou atina'e i luga o le Papa.